

# ইসলামিক ফাউন্ডেশনের তথ্য অবমুক্তকরণ নির্দেশিকা ২০১৬



## ইসলামিক ফাউন্ডেশন

[প্রতিষ্ঠাতা: জাতির পিতা বঙ্গবন্ধু শেখ মুজিবুর রহমান]  
আগারগাঁও, শেরে বাংলানগর, ঢাকা ১২০৭

[www.islamicfoundation.gov.bd](http://www.islamicfoundation.gov.bd)

## সূচীপত্র

- ১। পটভূমি
  - ১.১ তথ্য অবমুক্তকরণ নির্দেশিকা প্রণয়নের যৌক্তিকতা/উদ্দেশ্য
  - ১.২ নির্দেশিকার শিরোনাম
- ২। নির্দেশিকার ভিত্তি
  - ২.১ প্রণয়নকারী কর্তৃপক্ষ
  - ২.২ অনুমোদনকারী কর্তৃপক্ষ
  - ২.৩ অনুমোদনের তারিখ
  - ২.৪ নির্দেশিকা বাস্তবায়নের তারিখ
  - ২.৫ নির্দেশিকার প্রযোজ্যতা
- ৩। সংজ্ঞা সমূহ
- ৪। তথ্যের শ্রেণী বিন্যাস এবং তথ্য প্রদান পদ্ধতি
  - ৪.১ স্বপ্রণোদিত তথ্য
  - ৪.২ চাহিদার ভিত্তিতে তথ্য প্রকাশ/প্রদান
  - ৪.৩ তথ্য প্রকাশ বা প্রদান বাধ্যতামূলক নয় এমন তথ্য
- ৫। তথ্য সংগ্রহ, সংরক্ষণ ও ব্যবস্থাপনা পদ্ধতি
- ৬। দায়িত্বপ্রাপ্ত কর্মকর্তা নিয়োগ
- ৭। দায়িত্বপ্রাপ্ত কর্মকর্তার দায়িত্ব ও কর্মপরিধি
- ৮। বিকল্প দায়িত্বপ্রাপ্ত কর্মকর্তা নিয়োগ
- ৯। বিকল্প দায়িত্বপ্রাপ্ত কর্মকর্তার দায়িত্ব ও কর্মপরিধি
- ১০। তথ্যের জন্য আবেদন, তথ্য প্রদানের পদ্ধতি ও সময়সীমা
- ১১। তথ্যের মূল্য এবং মূল্য পরিশোধের নিয়মাবলী
- ১২। আপিল কর্তৃপক্ষ এবং আপিল পদ্ধতি
- ১৩। তথ্য প্রদানের অবহেলার শাস্তিবিধান
- ১৪। তথ্যাদি পরিদর্শনের সুযোগ
- ১৫। জনগুরুত্বপূর্ণ বিষয়ে প্রেস বিজ্ঞপ্তি
- ১৬। নির্দেশিকার ব্যাখ্যা
- ১৮। পরিশিষ্ট
  - পরিশিষ্ট 'ক' স্বপ্রণোদিত তথ্যের তালিকা
  - পরিশিষ্ট 'খ' অনুরোধ/চাহিদার ভিত্তিতে তথ্যের তালিকা
  - পরিশিষ্ট 'গ' প্রদান বাধ্যতামূলক নয়, এমন তথ্যের তালিকা
  - পরিশিষ্ট 'ঘ' তথ্য প্রাপ্তির আবেদনপত্র
  - পরিশিষ্ট 'ঙ' তথ্য সরবরাহের অপরাগতার নোটিশ
  - পরিশিষ্ট 'চ' আপিল আবেদন
  - পরিশিষ্ট 'ছ' তথ্য প্রাপ্তির অনুরোধ ফি এবং তথ্যের মূল্য নির্ধারণ ফি
  - পরিশিষ্ট 'জ' তথ্য কমিশনের অভিযোগ দায়েরের নির্ধারিত ফরম

## ১। পটভূমি

ইসলামের প্রচার ও প্রসারের লক্ষ্যে বাংলাদেশের মহান স্থপতি জাতির পিতা বঙ্গবন্ধু শেখ মুজিবুর রহমান ১৯৭৫ সালের ২২ মার্চ এক অধ্যাদেশ বলে ইসলামিক ফাউন্ডেশন প্রতিষ্ঠা করেন। প্রতিষ্ঠার পর থেকে পর্যায়ক্রমে ইসলামিক ফাউন্ডেশন ইসলামী মূল্যবোধ প্রতিষ্ঠা, দ্বীনি দাওয়াত ও নৈতিকতা শিক্ষা প্রদান, বই-পুস্তক ও সাময়িকী প্রকাশনা, ইসলাম বিষয়ক গবেষণা, সেমিনার-সিম্পোজিয়াম আয়োজন, ফিরআত, হিফযুল কুরআন ও ইসলামী সাংস্কৃতিক প্রতিযোগিতা, মসজিদভিত্তিক শিশু ও গণশিক্ষা কার্যক্রম ও মসজিদ পাঠাগার স্থাপন ও পরিচালনা, ইমাম প্রশিক্ষণ, ইসলামিক মিশন, মানবসম্পদ উন্নয়ন ইত্যাদির মাধ্যমে ইসলামের প্রচার এবং নৈতিকতাবোধ সম্পন্ন বাংলাদেশ বিনির্মাণে কাজ করে যাচ্ছে। ইমাম-খতীব ও আলেম-ওলামাকে জাতীয় উন্নয়নের স্রোতধারায় সম্পৃক্ত করা, আলেম সমাজের জন্য দীনি দাওয়াতভিত্তিক কর্মসংস্থানের ব্যবস্থা করা এবং জঞ্জিবাদ ও সহিংসতারোধে ইসলামিক ফাউন্ডেশন ইতোমধ্যে যথেষ্ট সফলতা অর্জন করেছে। সরকার ঘোষিত রূপকল্প ২০২১ বাস্তবায়নের লক্ষ্যে ন্যায়ভিত্তিক, দুর্নীতিমুক্ত ও শুদ্ধাচারী রাষ্ট্র ও সমাজ প্রতিষ্ঠার লক্ষ্যে ইসলামিক ফাউন্ডেশন কর্তৃক স্বচ্ছতা ও দ্রুততার সাথে মানসম্মত সেবা নিশ্চিতকরণের জন্য নানামুখী কার্যক্রম পরিচালিত হচ্ছে।

এ সকল কার্যক্রম জনগণকে অবহিতকরণ, ইসলামিক ফাউন্ডেশন ও এর আওতাধীন বিভাগ ও অফিসসমূহ হতে প্রদত্ত সেবা, বিভিন্ন কার্যক্রমে জনগণের মতামত গ্রহণ ইত্যাদি কার্যক্রম সুষ্ঠুভাবে সম্পাদনের লক্ষ্যে তথ্য অবমুক্তকরণ নির্দেশিকা প্রণয়নের উদ্যোগ নেয়া হয়েছে। উক্ত নির্দেশিকা প্রবর্তনের ফলে ইসলামিক ফাউন্ডেশনের কর্মকান্ড সম্পর্কে জনসচেতনতা বৃদ্ধিসহ ইসলামিক ফাউন্ডেশনের কর্মকান্ড জনগণের সরাসরি অংশগ্রহণের সুযোগ সৃষ্টি হবে।

### ১.১ তথ্য অবমুক্তকরণ নির্দেশিকা প্রণয়নের যৌক্তিকতা/উদ্দেশ্য

গণপ্রজাতন্ত্রী বাংলাদেশ সরকার সরকারি ও বেসরকারি সংগঠনের স্বচ্ছতা, জবাবদিহিতা বৃদ্ধি, দুর্নীতি হ্রাস ও সুশাসন প্রতিষ্ঠা, সর্বোপরি জনগণের ক্ষমতায়নের লক্ষ্যে তথ্য অধিকার নিশ্চিত করতে গত ২৯ মার্চ ২০০৯ তথ্য অধিকার আইন পাশ করে।

গণতান্ত্রিক ব্যবস্থাকে আরো সুসংহত করার অন্যতম শর্ত হচ্ছে জনগণের তথ্য প্রাপ্তির অধিকার নিশ্চিত করা। এ লক্ষ্যকে সামনে রেখে ইসলামিক ফাউন্ডেশনের তথ্য উন্মুক্ত করার প্রক্রিয়া গ্রহণ করা হয়েছে। ফলে ইসলামিক ফাউন্ডেশনের কার্যক্রমের বিষয়ে জনগণের নিকট স্বচ্ছতা ও জবাবদিহিতা নিশ্চিত হবে।

জনগণের জন্য অবাধ তথ্য প্রবাহ নিশ্চিত করার যে নীতি সরকার গ্রহণ করেছে, তার সঙ্গে সংগতি রেখে ইসলামিক ফাউন্ডেশন অবাধ তথ্য প্রবাহের চর্চা করতে বদ্ধ পরিকর। ইসলামিক ফাউন্ডেশন এবং এর আওতাধীন বিভাগ ও অফিসসমূহ যাতে অবাধ তথ্য প্রবাহের চর্চা অব্যাহত রেখে জনগণের তথ্য চাহিদা পূরণ করতে পারে সেজন্য একটি তথ্য অবমুক্তকরণ নির্দেশিকা প্রণয়ন আবশ্যিক বলে প্রতীয়মান হওয়ায় তথ্য অধিকার আইন ২০০৯, তথ্য অধিকার বিধিমালা (তথ্য প্রাপ্তি সংক্রান্ত) ২০০৯ এবং এতদসংশ্লিষ্ট প্রবিধানমালাসমূহের আলোকে উক্ত তথ্য অবমুক্তকরণ নির্দেশিকা প্রণয়ন করা হলো।

**১.২ নির্দেশিকার শিরোনাম:** এই নির্দেশিকা ‘ইসলামিক ফাউন্ডেশনের তথ্য অবমুক্তকরণ নির্দেশিকা ২০১৬’ নামে অভিহিত হবে।

২। নির্দেশিকার ভিত্তি:

২.১ প্রণয়নকারী : ইসলামিক ফাউন্ডেশনের কর্মকর্তা।

২.২ অনুমোদনকারী কর্তৃপক্ষ : মহাপরিচালক, ইসলামিক ফাউন্ডেশন।

২.৩ অনুমোদনের তারিখ: ০৫/১১/২০১৫

২.৪ নির্দেশিকা বাস্তবায়নের তারিখ: অনুমোদনের তারিখ থেকে নির্দেশিকাটি বাস্তবায়ন করা হবে।

২.৫ নির্দেশিকার প্রযোজ্যতা: ইসলামিক ফাউন্ডেশনের জন্য প্রযোজ্য হবে।

**৩. সংজ্ঞাসমূহ: বিষয় ও প্রসঙ্গের পরিপন্থি না হলে এই নির্দেশিকায়-**

৩.১ তথ্য অর্থ ইসলামিক ফাউন্ডেশন এবং এর অধীনস্থ বিভাগ ও কার্যালয়সমূহের গঠন, কাঠামো, দাপ্তরিক কর্মকান্ড সংক্রান্ত যে কোন স্মারক, বই, নকশা, মানচিত্র, চুক্তি, তথ্য-উপাত্ত, লগবই, আদেশ, বিজ্ঞপ্তি, দলিল, নমুনা, পত্র, প্রতিবেদন, হিসাব বিবরণী, প্রকল্প প্রস্তাব, আলোকচিত্র, অডিও, ভিডিও, অঙ্কিত চিত্র, ফিল্ম, ইলেকট্রনিক প্রক্রিয়ায় প্রস্তুতকৃত যে কোন ইনস্ট্রুমেন্ট, যান্ত্রিকভাবে পাঠযোগ্য দলিলাদি এবং ভৌতিক গঠন ও বৈশিষ্ট্য নির্বিশেষে অন্য যে কোন তথ্যাদি, বস্তু বা এদের প্রতিলিপিও এর অন্তর্ভুক্ত হবে;

তবে শর্ত থাকে যে, দাপ্তরিক নোটশিট বা নোটশিটের প্রতিলিপি এর অন্তর্ভুক্ত হবে না।

৩.২ ‘দায়িত্বপ্রাপ্ত কর্মকর্তা’ অর্থ তথ্য অধিকার আইন ২০০৯ এর ধারা ১০ এর অধীন নিযুক্ত কর্মকর্তা।

৩.৩ ‘বিকল্প দায়িত্বপ্রাপ্ত কর্মকর্তা’ অর্থ দায়িত্বপ্রাপ্ত কর্মকর্তার অনুপস্থিতিতে সংশ্লিষ্ট দায়িত্ব পালনের জন্য নিযুক্ত কর্মকর্তা।

৩.৪ ‘তথ্য প্রদান ইউনিট’ অর্থ ইসলামিক ফাউন্ডেশন।

৩.৫ ‘আপিল কর্তৃপক্ষ’ অর্থ ধর্ম বিষয়ক মন্ত্রণালয়ের সচিব।

৩.৬ ‘তৃতীয় পক্ষ’ অর্থ তথ্য প্রাপ্তির জন্য অনুরোধকারী বা তথ্য প্রদানকারী কর্তৃপক্ষ ব্যতিত অনুরোধকৃত তথ্যের কর্মকর্তা।

৩.৭ ‘তথ্য কমিশন’ অর্থ তথ্য অধিকার আইন ২০০৯ এর ধারা ১১-এর অধীন প্রতিষ্ঠিত কমিশন।

৩.৮ ‘তঅআ, ২০০৯’ বলতে তথ্য অধিকার আইন, ২০০৯ বোঝাবে।

৩.৯ ‘তঅবি, ২০০৯’ বলতে তথ্য অধিকার (তথ্য প্রাপ্তি সংক্রান্ত) বিধিমালা, ২০০৯ বোঝাবে।

৩.১০ ‘কর্মকর্তা’ অর্থে কর্মচারী অন্তর্ভুক্ত হবে।

৩.১১ ‘তথ্য অধিকার’ অর্থ কোন কর্তৃপক্ষের নিকট হতে তথ্য প্রাপ্তির অধিকার।

৩.১২ ‘আবেদন ফরম’ অর্থ তঅবি, ২০০৯-এর তফসিলে নির্ধারিত আবেদনের ফরমেট- ফরম ‘ক’ বোঝাবে।

৩.১৩ ‘আপিল ফরম’ অর্থ তঅবি, ২০০৯-এর তফসিলে নির্ধারিত আপিল আবেদনের ফরমেট ফরম ‘গ’ বোঝাবে।

৩.১৪ ‘পরিশিষ্ট’ অর্থ এই নির্দেশিকার সঙ্গে সংযুক্ত পরিশিষ্ট।

৩.১৪ ‘অনুমোদনকারী কর্তৃপক্ষ’ অর্থ ইসলামিক ফাউন্ডেশনের মহাপরিচালককে বোঝাবে।

#### ৪। তথ্যের শ্রেণী বিন্যাস এবং তথ্য প্রদান পদ্ধতি:

**তথ্য প্রদান পদ্ধতি:** তথ্য অধিকার আইনের বিধানাবলী পরিপালন সাপেক্ষে দেশের প্রতিটি নাগরিকের তথ্য পাওয়ার অধিকার আছে এবং নাগরিকের চাহিদা/অনুরোধের পরিপ্রেক্ষিতে ইসলামিক ফাউন্ডেশন তাকে যাচিত তথ্য প্রদানে বাধ্য থাকবে। ইসলামিক ফাউন্ডেশন গৃহীত সিদ্ধান্ত, কার্যক্রম, কিংবা সম্পাদিত বা প্রস্তাবিত কর্মকান্ডের সকল তথ্য নাগরিকের নিকট সহজলভ্য করার প্রয়াসে সূচিবদ্ধ আকারে প্রকাশ ও প্রচারের ব্যবস্থা করবে। ইসলামিক ফাউন্ডেশনের সমুদয় তথ্য নিম্নোক্ত তিন শ্রেণীতে ভাগ করা হবে এবং নির্ধারিত বিধান অনুসারে তা প্রদান ও প্রকাশ করা হবে।

#### ৪.১ স্বপ্রণোদিত তথ্য

তথ্য অধিকার আইনের এই বিধান অনুযায়ী ইসলামিক ফাউন্ডেশন কার্যক্রম সংক্রান্ত জনগণের তথ্য প্রাপ্তির অধিকারকে অধিকতর সহজলভ্য করার প্রয়াসে ইসলামিক ফাউন্ডেশন স্বপ্রণোদিত ও স্বতস্ফূর্তভাবে যে সকল তথ্য প্রকাশ ও প্রচার করবে তা ইসলামিক ফাউন্ডেশনের স্বপ্রণোদিত তথ্য। স্বপ্রণোদিত তথ্যের আওতায় তথ্যগুলো বিশেষভাবে পরিশিষ্ট ‘ক’ তে উল্লেখ করা আছে। এ সকল তথ্য ইসলামিক ফাউন্ডেশনের ওয়েবসাইটে ([www.islamicfoundation.gov.bd](http://www.islamicfoundation.gov.bd)) প্রকাশিত হবে। প্রতি তিন মাস অন্তর তথ্য হালনাগাদ করা হবে। ইসলামিক ফাউন্ডেশন প্রতি বছর বার্ষিক প্রতিবেদন প্রকাশ করবে এবং প্রতিবেদনে তথ্যের ধারা ৬(৩) এ উল্লেখিত তথ্যসমূহ সংযোজন করবে।

#### ৪.২ চাহিদার ভিত্তিতে তথ্য প্রকাশ/প্রদান

তথ্য অধিকার আইন ২০০৯ এর ৭ ধারার অনুকূলে যে সকল তথ্য প্রকাশ ও প্রদান বাধ্যতামূলক নয় এরূপ তথ্য ব্যতিত নাগরিকের আবেদনের পরিপ্রেক্ষিতে পূর্ণ বা আংশিক তথ্য প্রদানে বাধ্য থাকবে (পরিশিষ্ট- ‘খ’)। ইসলামিক ফাউন্ডেশন চাহিদার ভিত্তিতে তথ্যের তালিকা প্রস্তুত করবে এবং তা ওয়েবসাইটে প্রকাশ করবে। প্রতি তিন মাস অন্তর তথ্য হালনাগাদ করা হবে।

#### ৪.৩ প্রকাশ বা প্রদান বাধ্যতামূলক নয় এমন তথ্য

এই নির্দেশিকায় যাই থাকুক না কেন, ইসলামিক ফাউন্ডেশন তথ্য অধিকার আইনের ৭ ধারা মোতাবেক নিম্নোক্ত তথ্য প্রকাশ, প্রচার বা প্রদানে বাধ্য থাকবে না।

(ক) কোন তথ্য প্রকাশের ফলে বাংলাদেশের নিরাপত্তা, অখন্ডতা ও সার্বভৌমত্বের প্রতি হুমকি হতে পারে এমন তথ্য;

(খ) পররাষ্ট্রনীতির কোন বিষয় যার দ্বারা বিদেশী রাষ্ট্রের অথবা কোন আন্তর্জাতিক কোন সংস্থা বা আঞ্চলিক কোন জোট বা সংগঠনের সাথে বিদ্যমান সম্পর্ক ক্ষুণ্ণ হতে পারে এমন তথ্য;

(গ) কোন বিদেশী সরকারের নিকট প্রাপ্ত কোন গোপনীয় তথ্য;

(ঘ) কোন তথ্য প্রকাশের ফলে কোন তৃতীয় পক্ষের বুদ্ধিবৃত্তিক সম্পদের অধিকার ক্ষতিগ্রস্ত হতে পারে এমন বাণিজ্যিক বা ব্যবসায়িক অন্তর্নিহিত গোপনীয়তা বিষয়ক কপিরাইট বা বুদ্ধিবৃত্তিক সম্পদ (Intellectual property Right) সম্পর্কিত তথ্য;

(ঙ) কোন তথ্য প্রকাশের ফলে কোন বিশেষ ব্যক্তি বা সংস্থাকে লাভবান বা ক্ষতিগ্রস্ত করতে পারে এমন তথ্য;

(চ) কোন তথ্য প্রকাশের ফলে প্রচলিত আইনের প্রয়োগ বাধাগ্রস্ত হতে পারে বা অপরাধ বৃদ্ধি পেতে পারে এমন তথ্য;

(ছ) কোন তথ্য প্রকাশের ফলে জনগণের নিরাপত্তা বিঘ্নিত হতে পারে বা বিচারাধীন মামলার সুষ্ঠু বিচারকার্য ব্যাহত হতে পারে এমন তথ্য;

(জ) কোন তথ্য প্রকাশের ফলে কোন ব্যক্তির ব্যক্তিগত জীবনের গোপনীয়তা ক্ষুণ্ণ হতে পারে এমন তথ্য;

(ঝ) কোন তথ্য প্রকাশের ফলে কোন ব্যক্তির জীবন বা শারীরিক নিরাপত্তা বিপদাপন্ন হতে পারে এমন তথ্য;

(ঞ) আইন প্রয়োগকারী সংস্থার সহায়তার জন্য কোন ব্যক্তি কর্তৃক গোপনে প্রদত্ত কোন তথ্য;

(ট) আদালতে বিচারাধীন কোন বিষয় এবং যা প্রকাশে আদালত বা ট্রাইব্যুনালের নিষেধাজ্ঞা রয়েছে অথবা যার প্রকাশ আদালত অবমাননার সামিল এমন তথ্য;

(ঠ) তদন্তাধীন কোন বিষয় যার প্রকাশ তদন্ত কাজে বিঘ্ন ঘটতে পারে এমন তথ্য;

(ড) কোন অপরাধের তদন্ত প্রক্রিয়া এবং অপরাধীর গ্রেফতার ও শাস্তিকে প্রভাবিত কতে পারে এমন তথ্য;

(ঢ) আইন অনুসারে কেবল একটি নির্দিষ্ট সময়ের জন্য প্রকাশের বাধ্যবাধকতা রয়েছে এমন তথ্য;

(ণ) কৌশলগত ও বাণিজ্যিক কারণে গোপন রাখা বাঞ্ছনীয় এমন কারিগরী বা বৈজ্ঞানিক গবেষণালব্ধ কোন তথ্য;

(ত) কোন ক্রয় কার্যক্রম সম্পন্ন হবার পূর্বে বা উক্ত বিষয়ে সিদ্ধান্ত গ্রহণের পূর্বে সংশ্লিষ্ট ক্রয় বা তার কার্যক্রম সংক্রান্ত কোন তথ্য;

(থ) জাতীয় সংসদের বিশেষ অধিকার হানির কারণ হতে পারে এমন তথ্য;

(দ) কোন ব্যক্তির আইন দ্বারা সংরক্ষিত গোপনীয় তথ্য;

(ধ) পরীক্ষার প্রশ্নপত্র বা পরীক্ষায় প্রদত্ত নম্বর সম্পর্কিত আগাম তথ্য;

(ন) ইসলামিক ফাউন্ডেশন বোর্ড অব গভর্নরস এর সভায় উপস্থাপনীয় সার সাংক্ষেপসহ আনুষঙ্গিক দলিলাদি এবং উক্তরূপ বৈঠকের আলোচনা ও সিদ্ধান্ত সংক্রান্ত কোন তথ্য;

তবে শর্ত থাকে যে, এরূপ সভা কর্তৃক কোন সিদ্ধান্ত গৃহীত হবার পর অনুরূপ সিদ্ধান্তের কারণ এবং যেসকল বিষয়ের ওপর ভিত্তি করে সিদ্ধান্তটি গৃহীত হয়েছে তা প্রকাশ করা যাবে।

#### ৫. তথ্য সংগ্রহ, সংরক্ষণ ও ব্যবস্থাপনা:

##### (ক) তথ্য সংরক্ষণ :

তথ্য অধিকার আইন ২০০৯ এর অধীন নাগরিকের প্রাপ্তির নিশ্চিত করার লক্ষ্যে ইসলামিক ফাউন্ডেশন প্রয়োজনীয় তথ্যসমূহ নিম্নরূপে সংরক্ষণ করবে।

১) যথাযথ পদ্ধতি ও মান অনুসরণে তথ্য সংরক্ষণ করবে;

২) কম্পিউটারে সংরক্ষণের উপযুক্ত সকল তথ্য যুক্তিসংগত সময়সীমার মধ্যে কম্পিউটারে সংরক্ষিত থাকবে।

৩) স্বপ্রণোদিত তথ্যসহ অন্যান্য সকল তথ্য (যা প্রকাশে আইনগত বাধা নেই) ইসলামিক ফাউন্ডেশনের ওয়েবসাইটে পাওয়া যাবে ([www.islamicfoundation.gov.bd](http://www.islamicfoundation.gov.bd)) ।

**(খ) তথ্য সংগ্রহ ও ব্যবস্থাপনা :**

ইসলামিক ফাউন্ডেশনে তথ্য সংগ্রহ ও ব্যবস্থাপনার ক্ষেত্রে তথ্য অধিকার (তথ্য সংরক্ষণ ও ব্যবস্থাপনা) প্রবিধানমালা ২০১০ অনুসরণ করবে।

**(গ) তথ্যের ভাষা ;**

(১) তথ্যের মূল ভাষা হবে বাংলা। তথ্য যদি অন্য কোন ভাষায় উৎপন্ন হয়ে থাকে তাহলে সেটি সেই ভাষায় সংরক্ষিত হবে। দাপ্তরিক প্রয়োজনে তথ্য অনুবাদ করা হতে পারে।

(২) তথ্য যে ভাষায় সংরক্ষিত থাকবে সেই ভাষাতেই আবেদনকারীকে সরবরাহ করা হবে। আবেদনকারীর চাহিদার প্রেক্ষিতে কোন তথ্য অনুবাদ করার দায়িত্ব কর্তৃপক্ষ বহন করবে না।

**(ঘ) তথ্যের হালনাগাদকরণ:**

ইসলামিক ফাউন্ডেশন প্রতি তিন মাস অন্তর তথ্য হালনাগাদ করবে।

**৬. দায়িত্বপ্রাপ্ত কর্মকর্তা নিয়োগ :**

তথ্য অধিকার আইন, ২০০৯-এর ধারা বিধানমতে ইসলামিক ফাউন্ডেশন কর্তৃক দায়িত্বপ্রাপ্ত কর্মকর্তা নিয়োগ করা হবে।

**৭. দায়িত্বপ্রাপ্ত কর্মকর্তার দায়িত্ব ও কর্মপরিধি:**

১) দায়িত্বপ্রাপ্ত কর্মকর্তা তথ্য প্রাপ্তির আবেদন গ্রহণ বাছাই এবং চাহিদাকারীর সাথে যোগাযোগ করবেন;

২) চাহিদাকৃত/অনুরোধকৃত তথ্য তঅআ, ২০০৯ ধারা-৯ ও তঅবি, ২০০৯ বিধি, ২০০৯ বিধি-৪ অনুযায়ী যথাযথভাবে সরবরাহ করবেন;

৩) চাহিদাকৃত তথ্যের যুক্তিসংগত মূল্য নির্ধারণ এবং তা পরিশোধের জন্য আবেদনকারী/অনুরোধকারীকে অবহিত করবেন;

৪) নির্ধারিত সময়ের মধ্যে তথ্য সরবরাহ করা সম্ভব না হলে এর কারণ উল্লেখপূর্বক ১০(দশ) কার্যদিবসের মধ্যে তথ্য চাহিদাকারীকে অবহিত করবেন;

৫) কোন শারীরিক প্রতিবন্ধী ব্যক্তির তথ্য প্রাপ্তির ক্ষেত্রে দায়িত্ব প্রাপ্ত কর্মকর্তা তাকে উপযুক্ত পদ্ধতিতে তথ্য পেতে সহায়তা করবেন। এক্ষেত্রে তিনি অন্য কোন ব্যক্তির সহায়তা গ্রহণ করতে পারবেন ;

৬) তথ্য সংরক্ষণ, ব্যবস্থাপনা ও স্বপ্রণোদিত তথ্য প্রকাশ তঅআ ২০০৯-এর সাথে সামঞ্জস্যপূর্ণভাবে হচ্ছে কি না তা নির্ধারণে কর্তৃপক্ষকে সহায়তা প্রদান করবে;

৭) তঅআ ২০০৯-এর সাথে সামঞ্জস্যপূর্ণভাবে বার্ষিক প্রতিবেদন প্রকাশে সহায়তা করবে;

৮) তথ্যের জন্য প্রাপ্ত আবেদনসহ এ-সংক্রান্ত প্রয়োজনীয় তথ্য সংরক্ষণ, আবেদনকারীর যোগাযোগের বিস্তারিত তথ্য, সংরক্ষণ, তথ্য অবমুক্তকরণ সংক্রান্ত প্রতিবেদন সংকলিত করা, তথ্য মূল্য আদায়, হিসাব রক্ষণ ও সরকারি কোষাগারে জমাকরণ এবং কর্তৃপক্ষ বা তথ্য কমিশনের চাহিদার প্রেক্ষিতে এ সংক্রান্ত তথ্য সরবরাহ করবে; ইত্যাদি।

#### ৮. বিকল্প দায়িত্বপ্রাপ্ত কর্মকর্তা নিয়োগ :

১) বদলী বা অন্য কোন কারণে দায়িত্বপ্রাপ্ত কর্মকর্তার অনুপস্থিতিতে একজন বিকল্প দায়িত্বপ্রাপ্ত কর্মকর্তা নিয়োগ করতে হবে। দায়িত্বপ্রাপ্ত কর্মকর্তার অনুপস্থিতিতে দায়িত্বপালনকালীন আইন অনুসারে তিনি দায়িত্বপ্রাপ্ত কর্মকর্তা হিসেবে বিবেচিত হবেন।

২) বদলী বা অন্য কোন কারণে এই পদ শূন্য হলে, অবিলম্বে নতুন বিকল্প দায়িত্বপ্রাপ্ত কর্মকর্তা নিয়োগ করতে হবে।

#### ৯. বিকল্প দায়িত্বপ্রাপ্ত কর্মকর্তার দায়িত্ব ও কর্মপরিধি :

ক) দায়িত্বপ্রাপ্ত কর্মকর্তার অনুপস্থিতিকালীন সময়ে বিকল্প দায়িত্বপ্রাপ্ত কর্মকর্তা হিসেবে দায়িত্ব পালন করবেন;

খ) দায়িত্বপ্রাপ্ত কর্মকর্তা হিসেবে দায়িত্ব পালনকালীন সময়ে নীতি ৭-এ বর্ণিত ‘দায়িত্বপ্রাপ্ত কর্মকর্তার’ দায়িত্ব ও কর্মপরিধি’ তার জন্য প্রযোজ্য হবে।

#### ১০. তথ্যের জন্য আবেদন, তথ্য প্রদানের পদ্ধতি ও সময়সীমা:

ক) কোন ব্যক্তি তথ্য, ২০০৯-এর অধীন তথ্য প্রাপ্তির জন্য সংশ্লিষ্ট দায়িত্বপ্রাপ্ত কর্মকর্তার কাছে নির্ধারিত ফরম ‘ক’ এর মাধ্যমে তথ্য চেয়ে লিখিতভাবে বা ইলেকট্রনিক মাধ্যম বা ই-মেইলে অনুরোধ করতে পারবেন।

খ) নির্ধারিত ফরম সহজলভ্য না হলে অনুরোধকারীর নাম, ঠিকানা, প্রযোজ্য ক্ষেত্রে ফ্যাক্স নম্বর এবং ই-মেইল ঠিকানা; অনুরোধকৃত তথ্যের নির্ভুলে এবং স্পষ্ট বর্ণনা এবং কোন পদ্ধতিতে তথ্য পেতে আগ্রহী তার বর্ণনা উল্লেখ করে সাদা কাগজে বা ক্ষেত্রমতে, ইলেকট্রনিক মিডিয়া বা ই-মেইলও তথ্য প্রাপ্তির জন্য অনুরোধ করা যাবে।

গ) দায়িত্বপ্রাপ্ত কর্মকর্তা মুদ্রিত অনুলিপি, ফটোকপি, নোট, ইলেকট্রনিক ফরমেট বা প্রিন্ট-আউট পদ্ধতিতে তথ্য সরবরাহ করবেন;

ঘ) ইন্দ্রীয় প্রতিবন্ধীকে দায়িত্বপ্রাপ্ত কর্মকর্তা তথ্য লাভে সহায়তা করবেন।

ঙ) দায়িত্বপ্রাপ্ত কর্মকর্তা অনুরোধ প্রাপ্তির তারিখ হতে অনধিক ২০ (বিশ) কার্যদিবসের মধ্যে অনুরোধকৃত তথ্য সরবরাহ করবেন।

চ) তথ্যের সাথে একাধিক তথ্য প্রদান ইউনিট বা কর্তৃপক্ষের সংশ্লিষ্টতা থাকলে ৩০(ত্রিশ) কার্যদিবসের মধ্যে তথ্য সরবরাহ করবেন;

ছ) তথ্য প্রদানের সাথে তৃতীয় পক্ষের সংশ্লিষ্টতা থাকলে তৃতীয় পক্ষ তা গোপনীয় তথ্য হিসেবে গণ্য করলে, সে ক্ষেত্রে দায়িত্বপ্রাপ্ত কর্মকর্তা ৫ (পাঁচ) কার্যদিবসের মধ্যে তৃতীয় পক্ষকে লিখিত বা মৌখিক মতামত চেয়ে নোটিশ দিবেন। মতামত পাওয়া সাপেক্ষে নির্ধারিত সময়ের মধ্যে তথ্য প্রদানকারী কর্মকর্তা তথ্য প্রদান করবেন অথবা তথ্য প্রদানের অপরাগতার বিষয়ে সিদ্ধান্ত নিবেন;



(জ) তথ্য অধিকার আইন-২০০৯ এর ৭ ধারার বর্ণিত তথ্য প্রদান বাধ্যতামূলক নয় কারণসমূহের মধ্যে আবেদনকারীর চাহিত তথ্য অন্তর্ভুক্ত হলে যতটুকু অংশ যৌক্তিকভাবে পৃথক করা সম্ভব ততটুকু অংশ আবেদনকারীকে প্রদান করবেন;

(ঝ) তথ্য প্রদানে অপরাগতার ক্ষেত্রে কারণ উল্লেখপূর্বক আবেদন প্রাপ্তির ১০ (দশ) কার্যদিবসের মধ্যে আবেদনকারীকে অবহিত করবেন;

(ঞ) উল্লেখিত সময়সীমার মধ্যে তথ্য প্রদান করা না হলে, তথ্য প্রাপ্তির অনুরোধ প্রত্যাখ্যান করা হয়েছে মর্মে গণ্য হবে।

### ১১. তথ্যের মূল্য এবং পরিশোধের নিয়মাবলী :

ক) দায়িত্বপ্রাপ্ত কর্মকর্তা আবেদন প্রাপ্তির অনধিক ৫ (পাঁচ) কার্য দিবসের মধ্যে মজুদ তথ্যের মূল্য পরিশোধ করার জন্য আবেদনকারীকে জানাবেন। উক্ত মূল্য তথ্য অধিকার (তথ্য প্রাপ্তির সংক্রান্ত) বিধিমালা-২০০৯ এর তফসিল 'ঘ' ফরম (সংযুক্ত) অনুযায়ী নির্ধারিত হবে;

খ) যদি মূল্য লেখা না থাকে তবে কর্তৃপক্ষ যেরূপভাবে মূল্য নির্ধারিত করবেন; সেভাবে মূল্য পরিশোধ করতে হবে;

গ) তথ্য অধিকার (তথ্য প্রাপ্তি সংক্রান্ত) বিধিমালা-২০০৯ অনুযায়ী আবেদনকারী কর্তৃক তথ্যের মূল্য নগদ, মানি অর্ডার, পোস্টাল অর্ডার, ক্রসড চেক অথবা স্ট্যাম্প এর মাধ্যমে প্রদান করতে হবে। আদায়কৃত অর্থ চালান কোড নং-১-৩৩০১-০০১-১৮০৭ তে সরকারী কোষাগারে জমা করতে হবে।

### ১২. আপিল কর্তৃপক্ষ এবং আপিল পদ্ধতি:

কোন নাগরিক যদি নির্দিষ্ট সময়সীমার মধ্যে তথ্যে না পান কিংবা দায়িত্বপ্রাপ্ত কর্মকর্তার কোন সিদ্ধান্তে সংক্ষুব্ধ হন, তাহলে তিনি উক্ত সময়সীমা অতিক্রম হওয়ার পর সিদ্ধান্ত পাওয়ার পরবর্তী ৩০ (ত্রিশ) দিনের মধ্যে আপিল কর্তৃপক্ষের নিকট আপিল করতে পারবেন।

ক) আপিল আবেদনে আপিলের কারণ উল্লেখপূর্বক সাদা কাগজে বা তথ্য অধিকার (তথ্য প্রাপ্তি সংক্রান্ত) বিধিমালা-২০০৯ এর ফরম 'গ' (সংযুক্ত) এ আবেদন করা যাবে;

খ) সংশ্লিষ্ট আপিল কর্তৃপক্ষ আপিল আবেদন প্রাপ্তির পরবর্তী ১৫ (পনের) দিনের মধ্যে আপিল নিষ্পত্তি করবেন;

### ১৩. তথ্য প্রদানে অবহেলায় শাস্তির বিধান :

ইসলামিক ফাউন্ডেশনের কোন দায়িত্বপ্রাপ্ত কর্মকর্তা যথাযথ কারণ ব্যতিত তথ্য প্রদানে অপরাগতা প্রকাশ করলে বা আপিল গ্রহণ অস্বীকার করলে কিংবা নির্ধারিত সময় সীমার মধ্যে তথ্য প্রদানে ব্যর্থ হলে, ভুল, অসম্পূর্ণ, বিভ্রান্তিকর বা বিকৃত তথ্য প্রদান করলে কিংবা তথ্য প্রাপ্তিতে প্রতিবন্ধকতা সৃষ্টি করলে এবং এসব কারণে কমিশনের নিকট অভিযোগ করা হলে কমিশন তথ্য অধিকার আইন, ২০০৯ এর সংশ্লিষ্ট ধারা অনুসারে দায়িত্বপ্রাপ্ত কর্মকর্তার বিরুদ্ধে ব্যবস্থা গ্রহণ করতে পারবে।

### ১৪. তথ্যাদি পরিদর্শনের সুযোগ :

ইসলামিক ফাউন্ডেশন কর্তৃক প্রণীত বার্ষিক প্রতিবেদনসহ সকল প্রকার প্রকাশনাসমূহ বিনামূল্যে সবসাধারণের পরিদর্শনের জন্য সহজলভ্য করবে।

### ১৫. জনগুরুত্বপূর্ণ বিষয়ে প্রেস বিজ্ঞপ্তি :

ইসলামিক ফাউন্ডেশন জনগুরুত্বপূর্ণ বিষয়াদি প্রেস বিজ্ঞপ্তির মাধ্যমে অথবা ওয়েবসাইটের মাধ্যমে প্রকাশ করবে।

### ১৬. নির্দেশিকার সংশোধন :

এই নির্দেশিকা সংশোধনের প্রয়োজন হলে ইসলামিক ফাউন্ডেশনের ৩-৪ সদস্য বিশিষ্ট একটি কমিটি গঠন করবে। কমিটি নির্দেশিকা অনুমোদনকারী কর্তৃপক্ষের কাছে সংশোধনের প্রস্তাব করবে। অনুমোদনকারী কর্তৃপক্ষের অনুমোদনে নির্দেশিকা সংশোধন কার্যকর হবে।

১৭. এই নির্দেশিকার কোন বিষয়ে অস্পষ্টতা দেখা দিলে নির্দেশিকা অনুমোদনকারী কর্তৃপক্ষ তার ব্যাখ্যা প্রদান করবে।

### ১৮. পরিশিষ্ট ক: স্বপ্রণোদিত তথ্যের তালিকা

- ১) ইসলামিক ফাউন্ডেশনের সাংগঠনিক কাঠামো;
- ২) ইসলামিক ফাউন্ডেশনের নিয়োগ বিধিমালা;
- ৩) ইসলামিক ফাউন্ডেশনের কার্যাবলী;
- ৪) কর্মকর্তা-কর্মচারীগণের দায়িত্ব;
- ৫) বিভিন্ন খরনের ফরম;
- ৬) বার্ষিক প্রতিবেদন;
- ৭) সকল প্রকাশিত প্রতিবেদন
- ৮) ইসলামিক ফাউন্ডেশন এ্যাক্ট ১৯৭৫, ইসলামিক ফাউন্ডেশন (কর্মকর্তা-কর্মচারী) চাকুরি বিধিমালা ১৯৯৮, প্রজ্ঞাপন, নির্দেশনা, ম্যানুয়াল ইত্যাদি;
- ৯) মহাপরিচালক ও অন্যান্য কর্মকর্তাগণের নাম ও যোগাযোগের ঠিকানা;
- ১০) দায়িত্বপ্রাপ্ত কর্মকর্তার নাম, পদবী, ঠিকানা, এবং প্রযোজ্য ক্ষেত্রে ফ্যাক্স নম্বর, ফোন নম্বর ও ই-মেইল ঠিকানা;
- ১১) ক্রয় কার্যক্রম সংক্রান্ত তথ্যাদি/টেন্ডার সংক্রান্ত ইত্যাদি;
- ১২) তথ্য অধিকার সংক্রান্ত তথ্যাদি
- ১৩) অনুমোদিত আইন, অধ্যাদেশ, বিধিমালা, প্রবিধানমালা, নির্দেশনা ইত্যাদি;

**পরিশিষ্ট খ: চাহিদা ভিত্তিক প্রদানযোগ্য তথ্যের তালিকা**

- ১) স্বপ্রণোদিত প্রকাশিত সকল তথ্য;
- ২) বিভিন্ন নীতি;
- ৩) সংস্থার বাজেট;
- ৪) আর্থিক তথ্য, যেমন-আয়/ব্যয় সংক্রান্ত হিসাব বিবরণী’
- ৫) অডিট রিপোর্ট;
- ৬) প্রকল্প সংক্রান্ত তথ্য;
- ৭) ক্রয় কার্যক্রম সংক্রান্ত তথ্য (সিদ্ধান্ত গ্রহণের পর)
- ৮) উপকারভোগীর তালিকা;
- ৯) অডিও ভিজ্যুয়াল ডকুমেন্ট;
- ১০) নিয়োগ/বদলী আদেশ;
- ১১) দেশে বিদেশ ভ্রমণ সংক্রান্ত তথ্যাদি (সিদ্ধান্ত গ্রহণের পর);
- ১২) প্রদান বাধ্যতামূলক নয়, এমন তথ্য (পরিশিষ্ট)-‘গ’ ব্যতীত অন্য সকল তথ্য;

**পরিশিষ্ট-গ: প্রদান বাধ্যতামূলক নয়, এমন তথ্যের তালিকা**

নিম্নলিখিত তথ্যসমূহ প্রদান ও প্রকাশ করতে কর্তৃপক্ষ বাধ্য থাকবে না-

- কর্মী ও উপকারভোগীর ব্যক্তিগত জীবনের গোপনীয়তা ক্ষুণ্ণ হয়, এরূপ তথ্য।
- বিচারাধীন মামলার তথ্য যা ওই মামলার সুষ্ঠু বিচারকার্যকে ব্যাহত করতে পারে, এরূপ তথ্য।
- তদন্তাধীন বিষয় সংশ্লিষ্ট কোন তথ্য, যার প্রকাশ তদন্তকার্যে বিঘ্ন ঘটাতে পারে।
- কোন ক্রয় কার্যক্রমের বিষয়ে সিদ্ধান্ত নেয়ার আগে সংশ্লিষ্ট ক্রয় বা এর কার্যক্রম সংক্রান্ত কোন তথ্য।
- গবেষণার সূত্র বা কৌশল বা কারো বুদ্ধিবৃত্তিক সম্পদের অধিকার ক্ষতিগ্রস্ত হতে পারে, এরূপ তথ্য।
- নিয়োগ ও পদোন্নতি পরীক্ষাসহ সকল পরীক্ষার প্রশ্নপত্র ও পরীক্ষার ফলাফল সংক্রান্ত আগাম তথ্য, ইত্যাদি।

পরিশিষ্ট- ঘ: তথ্য প্রাপ্তির আবেদন ফরম (ফরম 'ক')

ফরম 'ক'

### তথ্য প্রাপ্তির আবেদনপত্র

[তথ্য অধিকার (তথ্য প্রাপ্তি সংক্রান্ত) বিধিমালা বিধি-৩ দৃষ্টব্য]

বরাবর

.....

..... (নাম ও পদবী)

ও

দায়িত্বপ্রাপ্ত কর্মকর্তা

..... (দপ্তরের নাম ও ঠিকানা)

১। আবেদনকারীর নাম :  
পিতা :  
মাতার নাম :  
বর্তমান ঠিকানা :  
স্থায়ী ঠিকানা :  
ফ্যাক্স, ইমেইল, টেলিফোন ও মোবাইল ফোন নম্বর (যদি থাকে) : .....

২। কি ধরনের তথ্য \*(প্রয়োজনে অতিরিক্ত কাগজ ব্যবহার করুন) : .....

৩। কোন পদ্ধতিতে তথ্য পাইতে আগ্রহী (ছাপানো/ফটোকপি/ : .....

লিখিত/ইমেইল/ফ্যাক্স/সিডি অথবা অন্য কোন পদ্ধতি)

৪। তথ্য গ্রহণকারীর নাম ও ঠিকানা : .....

আবেদনের তারিখ : ....

.....  
আবেদনকারীর স্বাক্ষর

\*তথ্য অধিকার(তথ্য প্রাপ্তি সংক্রান্ত) বিধিমালা, ২০০৯ এর ৮ ধারা অনুযায়ী তথ্যের মূল্য পরিশোধযোগ্য

পরিশিষ্ট-ঙ: তথ্য সরবরাহে অপারগতার নোটিশ (ফরম 'খ')

**ফরম 'খ'**

তথ্য অধিকার (তথ্য প্রাপ্তি সংক্রান্ত) বিধিমালা, ২০০৯ বিধি-৫ দ্রষ্টব্য

**তথ্য সরবরাহে অপারগতার নোটিশ**

আবেদন পত্রের সূত্র নম্বর :..... তারিখঃ.....

প্রতি

আবেদনকারীর নাম :.....

ঠিকানা :.....

**বিষয়ঃ তথ্য সরবরাহে অপারগতা সম্পর্কে অবহিতকরণ।**

প্রিয় মহোদয়,

আপনার..... তারিখের আবেদনের ভিত্তিতে প্রার্থিত তথ্য নিম্নোক্ত কারণে সরবরাহ করা হইল না, যথা:-

১। .....

২। .....

৩। .....

.....

(.....)

দায়িত্বপ্রাপ্ত কর্মকর্তার নাম:

পদবী:

(দাপ্তরিক সীল)

পরিশিষ্ট-চ: তথ্য প্রাপ্তির আবেদন ফরম (ফরম 'গ')

## আপীল আবেদন

[তথ্য অধিকার (তথ্য প্রাপ্তি সংক্রান্ত) বিধিমালা বিধি-৬ দ্রষ্টব্য]

বরাবর

.....

..... (নাম ও পদবী)

ও

আপীল কর্তৃপক্ষ,

.....(দপ্তরের নাম ও ঠিকানা)

১। আপীলকারীর নাম ও ঠিকানা :.....  
(যোগাযোগের সহজ মাধ্যম মোবাইলসহ)

২। আপীলের তারিখ :.....

৩। যে আদেশের বিরুদ্ধে আপীল করা :.....  
হইয়াছে উহার কপি (যদি থাকে)

৪। যাহার আদেশের বিরুদ্ধে আপীল করা হইয়াছে :.....  
তাহার নামসহ আদেশের বিবরণ (যদি থাকে)

৫। আপীলের সংক্ষিপ্ত বিবরণ :.....

৬। আদেশের বিরুদ্ধে ক্ষুদ্র হইবার কারণ (সংক্ষিপ্ত বিবরণ): .....

৭। প্রার্থিত প্রতিকারের যুক্তি/ভিত্তি :.....

৮। আপীলকারী কর্তৃক প্রত্যয়ন :.....

৯। অন্য কোন তথ্য যাহা আপীল কর্তৃপক্ষের সম্মুখে :.....  
উপস্থাপনের জন্য আপীলকারী ইচ্ছা পোষণ করেন

আবেদনের তারিখ : .....

আবেদনকারীর স্বাক্ষর

পরিশিষ্ট-ছ: তথ্য প্রাপ্তির অনুরোধ ফি এবং তথ্যের মূল্য নির্ধারণ ফি (ফরম 'ঘ')

ফরম 'ঘ'

(বিধি-৮ দ্রষ্টব্য)

### তথ্য প্রাপ্তির অনুরোধ ফি এবং তথ্যের মূল্য নির্ধারণ ফি

তথ্য সরবরাহের ক্ষেত্রে নিম্ন টেবিলের কলাম (২) এ উল্লিখিত তথ্যের জন্য উহার বিপরীতে কলাম (৩) এ উল্লিখিত হারে ক্ষেত্রমত তথ্য প্রাপ্তির অনুরোধ ফি এবং তথ্যের মূল্য পরিশোধযোগ্য হইবে, যথা:-

#### টেবিল

ক্রমিক নং	তথ্যের বিবরণ	তথ্য প্রাপ্তির অনুরোধ ফি/তথ্যের মূল্য
১	২	৩
১	লিখিত কোন ডকুমেন্টের কপি সরবরাহের জন্য (ম্যাপ, নকশা, ছবি, কম্পিউটার, প্রিন্টারসহ)	এ-৪ ও এ-৩ মাপের কাগজের ক্ষেত্রে প্রতি পৃষ্ঠা ২ (দুই) টাকা হারে এবং তদুর্ধ্ব সাইজের কাগজের ক্ষেত্রে প্রকৃত মূল্য
২	ডিস্ক, সিডি ইত্যাদিতে তথ্য সরবরাহের ক্ষেত্রে	১. আবেদনকারী কর্তৃক ডিস্ক, সিডি ইত্যাদি সরবরাহের ক্ষেত্রে বিনা মূল্যে: এবং ২. তথ্য সরবরাহকারী কর্তৃক ডিস্ক, সিডি ইত্যাদি সরবরাহের ক্ষেত্রে উহার প্রকৃত মূল্য।
৩	কোন আইন বা সরকারি বিধান বা নির্দেশনা অনুযায়ী কাউকে সরবরাহকৃত তথ্যের ক্ষেত্রে	বিনামূল্যে
৪	মূল্যের বিনিময়ে বিক্রয়যোগ্য প্রকাশনার ক্ষেত্রে	প্রকাশনার নির্ধারিত মূল্য

পরিশিষ্ট-জ: তথ্য কমিশনে অভিযোগ দায়েরের নির্ধারণ ফরম (ফরম 'ক')

ফরম 'ক'

## অভিযোগ দায়ের ফরম

[তথ্য অধিকার (অভিযোগ দায়ের ও নিষ্পত্তি সংক্রান্ত) প্রবিধিমালার প্রবিধান-৩ (১) দৃষ্টব্য]

বরাবর

প্রধান তথ্য কমিশনার

তথ্য কমিশন

এফ-৪/এ, আগারগাঁও প্রশাসনিক এলাকা

শেরেবাংলা নগর, ঢাকা- ১২০৭।

অভিযোগ নং.....।

- ১। অভিযোগকারীর নাম ও ঠিকানা : .....  
(যোগাযোগের সহজ মাধ্যম মোবাইলসহ)
- ২। অভিযোগকারীর তারিখ : .....
- ৩। যাহার বিরুদ্ধে অভিযোগ করা : .....  
হইয়াছে তাহার নাম ও ঠিকানা
- ৪। অভিযোগকারীর সংক্ষিপ্ত বিবরণ : .....  
(প্রয়োজনে আলাদা কাগজ সন্নিবেশ করা যাইবে)
- ৫। সংস্কৃদ্ধতার কারণ (যদি কোন আদেশের বিরুদ্ধে : .....  
অভিযোগ আনয়ন করা হয় সেই ক্ষেত্রে উহার কপি  
সংযুক্ত করিতে হইবে)
- ৬। প্রার্থিত প্রতিকার ও উহার যৌক্তিকতা : .....
- ৭। অভিযোগে উল্লিখিত বক্তব্যের সমর্থনে প্রয়োজনীয় : .....  
কাগজপত্রের বর্ণনা (কপি সংযুক্ত করিতে হইবে)

সত্যপাঠ

আমি/আমরা এই মর্মে হলফপূর্বক ঘোষণা করিতেছি যে, এই অভিযোগে বর্ণিত অভিযোগসমূহ আমার জ্ঞান ও বিশ্বাস মতে সত্য।

( সত্যপাঠকারীর স্বাক্ষর)



ইসলামিক ফাউন্ডেশনের দায়িত্বপ্রাপ্ত কর্মকর্তার তথ্যাদি

ক্রম	দায়িত্বপ্রাপ্ত কর্মকর্তার নাম পদবি	ফোন, মোবাইল, ফ্যাক্স, ই-মেইল	যোগাযোগের ঠিকানা
১	মুহাম্মদ নিজাম উদ্দিন জনসংযোগ কর্মকর্তা	ফোন- ০২-৮১৮১৩৪০ মোবাইল- ০১৭২০০৪০৪৩২ ফ্যাক্স- ০২-৮১৮১৩৪০ ই-মেইল- nizamshaheed@gmail.com	

ইসলামিক ফাউন্ডেশনের বিকল্প দায়িত্বপ্রাপ্ত কর্মকর্তার তথ্যাদি

ক্রম	দায়িত্বপ্রাপ্ত কর্মকর্তার নাম পদবি	ফোন, মোবাইল, ফ্যাক্স, ই-মেইল	যোগাযোগের ঠিকানা
১	শায়লা শারমীন সহকারি জনসংযোগ কর্মকর্তা	ফোন- মোবাইল- ০১৫৫৩৩৫৩৬২৭৬ ফ্যাক্স- ফোন- ০২-৮১৮১৩৪০ ই-মেইল-shailatuly@gmail.com	ইসলামিক ফাউন্ডেশন প্লট: ই-৪/এ, ব্লক: সিভিক সেক্টর সেকশন: আগারগাঁও শেরে বাংলানগর, ঢাকা ১২০৭

পরিশিষ্ট-৬

ইসলামিক ফাউন্ডেশনের আপিল কর্তৃপক্ষের তথ্যাদি

ক্রম	দায়িত্বপ্রাপ্ত কর্মকর্তার নাম পদবি	ফোন, মোবাইল, ফ্যাক্স, ই-মেইল	যোগাযোগের ঠিকানা
১	মো. আব্দুল জলিল ভারপ্রাপ্ত সচিব	ফোন-০২-৯৫১৪৫৩৩ মোবাইল- ফ্যাক্স- ০২-৯৫১১১১৬ ই-মেইল-moragovbd@gmail.com	ধর্ম বিষয়ক মন্ত্রণালয় বাংলাদেশ সচিবালয়, ঢাকা ১০০০